

欽定剿平三省邪匪方略

欽定剿平三省邪匪方略正編卷三百三十二年

壬戌年

八月十一日

己酉

陸有仁奏言竊

臣

接據道員朱

勳等稟稱經畧額勒登保督率總兵李應貴等

於花石崖地方殲斃首逆苟文明現在查驗屬

實

臣

查苟逆竄擾南山已逾半載不惟官兵追

剿維艱卽地方官解運兵糧實亦不遺餘力今

幸臨陣殲斃洵足以上紓

聖厪下快人心現在山內所剩苟逆餘黨並斬張等  
兩股零匪爲數無多各路官兵分投搜捕自不  
難以次淨盡惟糧餉最關緊要旬日來因雨水  
過大山內橋梁道路多被衝塌地方官運送各  
路兵糧或繞道翻山或熬筏覓水均隨地隨時  
設法供應幸俱源源接濟不致貽悞至餉銀一  
項所有豫省墊解粵省餉銀四十萬兩雖已陸

續解到業經用罄無存統計現在各路支應並  
辦理善後凱旋撤兵安插鄉勇撫卹難民酌還  
積欠等項實非數十萬所能敷衍而司庫存項  
久經告罄例餉挪用已多均不能稍爲挹注不  
得不據實上

聞仰祈

俯賜籌撥奏入

上命軍機大臣傳諭陸有仁曰陝省自殲斃苟文明後其餘靳張等零匪統計不及四百人大功卽日告戡現在軍需項下應支應找及酌賞鄉勇盤費等項自多需用著再賞撥銀一百萬兩以資接濟此項銀兩現由河南撥銀三十四萬浙江撥銀二十六萬廣東撥銀四十萬已降旨令吉慶馬慧裕延豐三義助等迅速解陝陸有仁收到此項餉銀

極爲寬裕卽將從前欠支各款分別清理其餘俱  
可作爲善後之用務當留心撙節不可以餉項充  
盈稍涉冒濫

上又命軍機大臣傳諭吉慶馬慧裕延豐三義助曰  
現在大功將次告竣陝省辦理善後事宜需用尙  
多著於河南存貯項下撥銀三十四萬兩兩浙商  
捐項下撥銀二十六萬兩廣東商捐項下撥銀二

十萬兩粵海關稅項下撥銀二十萬兩迅速派委  
妥員解赴陝省交陸有仁收貯備用

陸有仁又奏言再川省凱旋山西兵一千名於

本月十九日入寧羌州境臣派員沿途照料護

送現已行過留壩一帶甚爲安靜又

盛京及東三省官兵經經畧額勒登保奏明先行  
酌量撤回其在漢中起程者約計三百餘名現

已陸續齊集

臣

於應支分例之外每名捐賞銀

一兩五錢飭派委員護送至省其自大營及興  
安等處送至省城凱旋官兵亦經札飭藩司照  
數給賞一體派委文武大員照料出關務令凱  
唱歡欣各回原處以仰副

聖主軫念勞兵之至意奏入報

聞



十四日壬子額勒登保奏言竊臣於二十八九等

日派令總兵李應貴副將吳廷剛叅將李應元  
遊擊祝廷彪把總李永和等由冷水溝江口等

處分路探剿餘匪臣率同楊遇春酌帶官兵緊

遇東面向西轟擊旋據總兵楊芳稟報二十九

日師次廟溝口探有賊匪於附近老林藏匿楊

芳帶兵於三十日黎明趕到賊匪約有七八十

人一見兵到卽匿入林箐我兵鼓勇進剿殲斃  
六名生擒十五名餘匪四散逃遁楊芳仍卽帶  
兵由金雞梁一帶搜剿並將所獲賊匪解送

臣

營訊明旗手朱元朝矛手張貴等十一名卽行  
正法其餘被脅民人給票釋放該匪被剿之後  
向柳林溝後山奔逃適把總李永和外委鍾志  
美於初二日帶領兵勇由北溝乘夜率勇前進

於天明時趕抵山梁殺斃六名生擒十名將賊  
目苟文學聶朝綱等拿獲解至臣營訊得苟文

學實係苟文明堂弟聶朝綱係探馬頭當飭將

該二犯凌遲處死其餘從逆日久之犯均卽正

法至副將應元寬所剿之張芳苟朝九賊匪百

餘人追至黑脫塔老林該匪又翻山北竄應元

寬現由東河口一帶趕緊剿辦又扎克塔爾格

布舍所剿之靳士黃賊匪三百餘人經副將張  
瑗於板房子一帶截擊該匪由沙窩子向西分  
竄現俱跟蹤追擊又張士雲張士熊股匪數十  
人在辛口峪腦老林藏匿通判雒昂探明率勇  
搜捕二十四日於土嶺子趕上賊匪正值大雨  
之際該匪猝不及防擊斃賊匪十三名生擒楊  
虎等十名張士雲張士熊各帶十數人遁匿老

林該通判將獲犯解交盩厔縣錄供稟報并酌  
留六名留爲眼目趕緊搜捕首逆臣查刻下零

匪或數十人爲一起或十數人爲一起至多不  
過一二百人現有總兵楊芳副將吳廷剛守備

蘇超等分路搜捕不致延緩惟斬土黃股匪人  
數稍多現又分股奔逃急須分投剿洗臣又飭

令李應貴由馮壘濟花石巖天半一帶迎截並

令楊遇春帶兵由金雞梁屈家溝一帶督率各路官兵由東向西併力逼剿臣亦卽帶兵由

琵琶嶺兩河進發督催趕辦俟陝省寧謐再赴楚

省剿辦零星匪再前由寧羌綿繹溝竄入南江九

角山之宋應伏股匪一百餘人臣飛飭川境防

剿鎮將探蹤截剿茲據總兵田朝貴稟報該匪

於七月十四日竄至鐵錐山一帶田朝貴帶兵

進剿斬獲四十餘人餘匪竄入張家塘山林現  
仍帶兵剿捕至刻下三省軍務卽將告竣各路  
防剿官兵亦應另籌佈置臣於四五月間因漢

江水漲賊匪非船莫渡業將石泉以下紫陽一  
帶防江總兵劉瑞汪啟所設官兵全數撤赴漢  
南之紅椿壩瓦房店觀音堂五塊石星子等處  
分段設卡防剿川界竄匪今查賊匪業已無多

不能蔓延爲患各邊界分設官兵儘在逐處搜  
剿而不在逐處設防連年以來或此隊官兵撥  
赴別隊或此營帶兵官弁陞補別營隨時紛更  
參差不一今必須趕緊清查歸集使本鎮將領  
卽帶本營兵丁歸併一路酌分段落附近有賊  
則帶領搜捕地方寧謐則隨時操練庶目前旣  
可一兵得一兵之用且官兵均得確數將來凱



旋亦不至周章惟軍輿數載頭緒紛繁非一兩

旬所能一律清理

臣

昨派陝安道朱勳前赴各

路查辦鄉勇卽派令副將王兆夢同行一面協

同裁撤安置鄉勇一面歸撥各省官兵俟辦理

就緒

臣

將各鎮將防剿之地分派定妥再行恭

摺奏

額勒登保又奏言臣查首逆苟文明竄匿花石

巖老林經官兵探明確蹤奮力追剿該逆自知

不能倖免情急跳下懸崖衆兵勇等繞路下崖

將該逆亂矛戳斃臣本應查明首先動手之人

懇

恩優獎惟因兵勇人人爭功一擁上前亂矛齊下孰

先孰後實未能確切辨明是以臣業將在事尤

爲出力之兵丁莫豔純鄉勇甯顯文等十二名  
懇請

賞戴藍翎其餘皆分別賞給銀兩至奉

硃筆圈出之總兵李應貴副將張廷楷以及馬兵楊

貴等十三員名本係奮勇出力著有勞績臣因

李應貴本有花翎陞任總兵未久副將張廷楷

吳廷剛參將李應元特依順保張超遊擊王兆

龍祝廷彪等亦均戴有花翎遊擊謝天瑞守備  
丁永安把總張必祿馬兵楊貴均戴有藍翎是  
以僅將遊擊黎炳懇

恩賞戴花翎其首先槍上山梁之守備丁永安懇  
恩賞換花翎其餘皆未列入茲蒙

皇上恩施周溥錄及織勞<sub>臣</sub>復一一詳加察核查把

總張必祿馬兵楊貴係與守備丁永安一同首

先搶上山梁各兵勇得以鼓勵繼進賊始敗潰  
實屬奮勉超衆丁永安除已懇

恩賞換花翎外應請以都司陞用張必祿懇

恩加等以守備陞用馬兵楊貴加等以千總超補遊  
擊謝天瑞帶兵奮勇現戴藍翎應懇

恩賞換花翎其餘總兵李應貴副將張廷楷吳廷剛  
叅將李應元特依順保張超遊擊王兆龍祝廷

彪等八員均應懇

恩交部從優議敘又查有在事出力之副將色克通

阿王兆夢叅將唐文淑遊擊張傑劉健標知州

李凱等六員懇

恩一併交部議敘均奏入

上命軍機大臣傳諭額勒登保曰此時陝省所辦祇

係剿捕零匪官兵各路搜捕又殲擒數十名并將

苟文明之堂弟苟文學探馬頭聶朝綱拿獲正法  
其數日益減少連斬土黃股匪統計不過三百餘  
人諒無難悉數辦淨前以楚境賊匪約尙有二千  
餘人較陝省情形爲重命額勒登保帶兵前往會  
同德楞泰剿辦茲額勒登保摺內稱俟陝省寧謐  
再赴楚省剿辦零匪額勒登保身爲經畧自應往  
賊多之處上緊督辦此旨到後如陝境業已廓清

自應卽往楚省卽尙有一二零星未淨之賊亦應遵照前旨帶兵徑赴楚省將陝省搜捕事宜責成提督湯遇春總兵楊芳等接手趕辦並知會總督惠齡巡撫陸有仁及將軍興奎督率辦理伊等係本省文武大員皆分內應辦之事惟須囑其上緊辦淨勿涉草率爲要額勒登保到楚後與德楞泰或分投剿捕或合營會剿惟在額勒登保酌量情



形朕亦不爲濫制至宋應伏股匪旣由寧羌逃入南江自當責令川境防堵之員就近剿辦該匪現經田朝貴斬獲之外所剩亦不過數十人額勒登保當催令該鎮就地剿淨毋任竄匿至刻下三省軍務卽將告竣各處邊界間有一二賊匪亦不過奔逃藏匿不能蔓延摺內所言官兵惟在逐處搜剿不在逐處設防此語甚是額勒登保將官兵籌

畫佈置後飭令於所在地方嚴行巡察竄匿之匪  
卽隨時隨地搜捕淨盡俾陝境全就肅清永臻寧

謐

上諭內閣曰額勒登保奏查明前次在花石巖老林  
殲斃苟逆出力之人並遵旨將硃筆圈出之總兵  
李應貴等分別懇恩陞賞均照所請守備丁永安  
著加恩以都司陞用把總張必祿著加恩以守備

陞用馬兵楊貴著加恩以千總超補遊擊謝天瑞  
著加恩賞換花翎其總兵李應貴副將張廷楷吳  
廷剛叅將李應元特依順保張超遊擊王兆龍祝  
廷彪等八員著加恩交部從優議敘副將色克通  
阿王兆夢叅將唐文淑遊擊張傑劉健標知州李  
凱等六員著加恩交部議敘

同日勒保奏言查蒲添寶等股賊匪前被截回

楚境後審九湖一帶仍有向馬塘西竄之勢德  
楞泰同賽冲阿長齡等帶領官兵向大寧所屬  
之通城取道抄擊臣督率總兵張績一路官兵

向黃草坪堵截德楞泰又派副都統銜富翰富  
僧德帶領馬隊前來兜擊該匪見川省邊界處  
處有兵卽亡命向竹谿北竄富翰等跟蹤前往

臣探得賊蹤距巫山已遠卽將張績一路官兵

移向大昌龍泉寺嚴防巴東交界一面飛飭達  
勒精阿武隆阿等帶兵由徐家壩向雙橋子大  
禾田一帶堵擊臣仍回夔州居中駐劄以便兼

顧大寧巫山兩路並督催各鎮將搜捕雲開梁  
萬等處未淨零匪節據副都統銜達斯呼爾岱

副將羅聲臯稟稱探剿雲開一帶竄匪二十七  
日行抵黃家灣探得晝菓園老林內有賊匪三

四十人卽帶兵搜捕殺斃賊匪八名生擒男賊  
二十一名女賊二口訊明此起係宋國聘股內  
餘匪初一日行抵五里溝深得馬朝坎地方有  
賊六七十在彼竄走當卽分兵追剿殺賊十四  
名生擒活賊呂祖貴等二十三名訊明此起係  
青號打散零匪所有兩起獲犯均卽解交雲陽縣  
審辦又據遊擊羅思舉稟稱二十五日探得東

鄉藍廠溝有賊匪四五十人在彼滋擾當卽帶領兵勇前往圍擊殺賊十餘名生擒四十四名訊明此起係白號打散餘黨內有偽總兵羅元亨偽千總鮮子祥羅簡其餘均屬戰手當卽解交<sub>臣</sub>營審明分別正法又叅將褚大榮在梁萬一帶搜剿餘匪二十八日行抵草坪山探得該境箐林內藏有賊匪三四十人卽帶領兵勇前

往搜捕擒殺十餘名生擒十五名內有青號偽  
先鋒林中本白號偽先鋒周順其餘均屬戰手

當經解交

臣

營審明分別正法又遊擊王泰程

元龍一路官兵在萬縣搜剿餘匪探得大樹壩

有零匪潛匿當卽帶兵搜捕經都司周士貴千

總孟國卿等搜獲賊匪二十名殲斃二十二名

查係各起剿散零匪當將活賊解交萬縣審明



辦理又叅將傅廷佐在墊江一帶搜捕零匪二  
十一日探有賊匪六七十人向鹽井溝竄走當  
卽帶兵緊躡殺賊二十七名生擒十六名當將  
活賊解交大竹縣審辦又據田朝貴報稱該鎮  
督率官兵在川陝交界防堵探得陝境有賊一  
股在巴山林竄出向通江所屬之望陽山竄來  
田朝貴挑帶兵勇至望陽山老林截剿與該匪

迎頭相遇我兵鎗箭齊發斃賊七名生擒九名  
餘匪四散逃竄田朝貴當卽分派將弁四路追  
捕復斃賊二三十名生擒十五名查訊此起賊  
匪係楊開甲張添倫股內剿散餘黨田朝貴因  
距臣較遠當將擒獲戰手十九名訊明止法其  
餘新擄難民就近釋回又據道員劉清稟報探  
得通巴邊界方栢林等處有零匪二三十人在

被潛匿劉清卽派効力通判劉星藻帶領軍功  
王良新勇蒲心堂李惠等相機搜捕行抵該境  
蒲心堂探知賊夥有伊弟蒲心開在內當卽親  
往招撫蒲心開卽與同夥鮮德生等二十八人  
全數棄械投出經劉清訊明分別遞籍安插再  
臣現又接陸有仁來信據稱有苟逆分股賊匪  
一百七八十人由峇陽竄入寧羌經陝省官兵

截剿該匪由綿纒溝老林翻越有入川省南江

大坪之勢

臣

現已飛飭田朝貴許文謨及劉清

等分路偵探一入川界卽認真迎剿

臣

查川境

餘孽只係數十爲羣零星散竄經官兵分路剿

辦實已漸次肅清惟近日楚省賊匪俱逼近川

東邊界往來奔突其大夥成股者雖節經

臣

與

德楞泰分兵兜擊截回而剿散分股之賊紛紛

竄入川界現據探報有賊三四百人由陝楚交界之雞心嶺竄入大寧所屬之香沖一帶又有  
一二百人竄至銀銅壩一帶又前次竄入之張  
長青賊匪尙有一二百人在雲陽附近竄走其  
陝境苟逆分股之賊會否入川刻下亦未得確  
信以上數起賊匪倏去倏來蹤跡無定凡此楚  
陝二省未淨之賊一經竄來卽屬川省應辦之

賊急須一律剿捕因此尙未能卽報肅清

臣現

飭達勒精阿武隆阿將大寧邊境竄入之賊上  
緊剿除並令達斯呼爾岱羅聲舉等將張逆餘  
匪迅速剿淨其川北一路如有賊匪竄入仍責  
成田朝貴許文謨等辦理奏入

上命軍機大臣傳諭勒保曰此次川境各處零匪經  
達斯呼爾岱羅思舉褚大榮王泰傳廷佐及田朝

貴等分路搜剿均有斬獲所辦俱好惟據稱苟逆分股賊匪經陝西官兵截剿有竄入川省之勢並據探報有賊三四百人由陝楚交界之雞心嶺竄入大寧所屬香沖一帶又有一二百人竄至銀銅壩一帶看來川境零星匪日形減少不難即日肅清而陝楚零星餘匪竄入卽須實力搜剿現在蒲添寶等股匪尙有二千餘人經德楞泰等分投追擊

復諭令額勒登保由平利紫陽一帶入楚督辦賊  
匪被經畧叅贊兩路大兵兜剿勢必情急竄川冀  
延殘喘大寧巫山一帶最關緊要勒保當遵照前  
旨隨時探聽一遇楚匪竄入卽移師迎至楚省邊  
界以剿爲堵使賊匪後有追兵前有攔截兩面夾  
攻更易一鼓殄滅總須同力合作不分畛域速剿  
餘匪爲要至豐紳辦理雷波事竣已節次降旨令



其帶兵回至川東視何處緊要卽往何處堵剿此  
時川北地方有宋應伏一股餘匪竄入而苟逆分  
股餘匪亦有竄入南江大坪之勢該處雖有田朝  
貴許文謨等在彼防剿兵力究屬無多川東現有  
總督勒保在彼足資辦理可無須豐紳前往著勒  
保卽飭令該提督統領原帶之兵速赴川北督同  
田朝貴許文謨等將陝境竄來餘匪上緊殲擒淨

盡不得以驅逐出境遂爲了事如豐紳回日川北  
竄匪業已辦完卽當仍赴川東幫同堵剿其竄走  
雲陽之張逆餘匪亦應飭令達斯呼爾岱羅聲臯  
等迅速剿淨其餘本境散竄之賊並著勒保嚴飭  
鎮將等上緊剿除肅清全境毋得再有稽延

額勒登保又奏言據署鎮安縣知縣胡彬將首  
逆李貴成押解到營臣嚴加審訊該犯實名李

洪名並非李貴成係伍懷志股內賊目今歲正月間從賊營自行散出在各處傭工被鎮安縣訪獲並未與宋應伏過江亦與宋應伏素不熟識等情臣或恐該犯心存狡卸復令營中素識

李貴成之人辨認亦僉以爲非臣查該犯雖非

首逆李貴成但亦曾充僞先鋒元帥法無可貸惟從賊夥散出後已逾半年當此餘匪殘敗之

時若將該犯立正典刑恐阻解散之路但亦未便過於寬縱應請

旨將該犯李洪名發往新疆給厄魯特爲奴再前據辦寨委員高本恩訪獲伍四兒一名雖訊係首逆伍金柱胞弟但年甫十五尙未及歲且由賊營逃散業已半年亦可貸其一死應與李洪名一同發往新疆給厄魯特爲奴其訪獲各員平

時尙屬留心臣現仍飭令認真查辦如再著有  
勞績奏明懇

恩鼓勵奏人報

聞

欽定剿平三省邪匪方略正編卷三百三十三

壬戌年

八月十五日

癸丑

德楞泰奏言據探報蒲逆等於

梨子坪野猫崖被剿後又折回龍王嶺白菓園

有走陰條嶺之勢因道路險窄馬不能進當派

叅將沈洪遊擊曾壽虎正林挑帶奮勇步隊兵

勇千餘名緊跟賊蹤由小溪算盤石前進令色

爾滾蒲尙佐等帶馬步兵勇繞至順水溪截其

東竄令達勒精阿武隆阿取道張公橋梨子坪  
向南兜剿時勒保聞信亦督同張續由入石坪  
黃草坪後窰一帶向東北扼截臣恐勒保一路

兵力稍單撥派副都統銜富翰富僧德等帶馬

隊一百名前往協剿臣同賽冲阿長齡温春馬

瑜卽由通城東進緣此一帶均係川楚界上處

處老山箐林路徑叢雜極爲陡險素爲各逆往

來藏遁之數似此兵分數路無論該逆竄出何處均有兵力隨時截剿詎該逆等知官兵四出兜剿二十六日又由竹山之馬塘走羊板出天池壩欲奔雙橋子時達勒精阿武隆阿兵抵梨子坪探知蒲逆等已由羊板竄來卽於二更發兵由雙山包千里壩向南迎剿三更後大雨如注風霧交加行抵千里壩據報已有賊五六十



人冒雨竄來當經前敵兵勇剿殺十餘名活擒四名餘匪折回而逃未便深追旋報大衆賊匪乘霧兩分股而來達勒精阿武隆阿隨令副將鄭啓貴在後占住山包接應兼顧後路達勒精阿帶領副將張良槐遊擊蕭太和都司楊正雄劉順等右迎武隆阿帶領叅將馮元守備李朝相張國棟等左截賊匪約有二三百人捨死來

撲被兩路兵勇抄壓斃賊數名賊匪向天池壩  
原路復又聚集六七百人蜂擁而來達勒精阿  
武隆阿等督兵正在抵敵忽聞後路吶聲大震  
報有賊匪由老林突出鄭啓貴督兵力敵達勒  
精阿武隆阿隨分帶兵勇接應適值賊匪撲至  
半山卽督率兵勇下壓鎗箭齊發斃賊七八名  
帶傷者十餘名賊仍向老林遁去正追殺間復

報右手賊匪繞上山梁達勒精阿等復帶兵勇  
齊力壓下斃賊十餘名生擒五名時愈昏黑風  
雨未息卽於該處紮住查得有索倫營長西靈  
阿右腿右手各帶矛傷一處均不甚重隨營  
糧員候補吏目江淑於賊匪突出時猝被戕害  
兵勇內帶傷及陣亡者共十餘名旋報賊匪乘  
夜向雙橋子遁去訊據獲犯藍號李文紀黃號

張士友等九名供稱是藍黃白三號合夥係蒲  
添寶爲首有靳英苟大秀張揚袁中倫四個總  
兵管事黃號唐明萬李姓白號總兵王紹賢都  
是被各路官兵打散的藏在興山巴東老山裏  
如今大家合夥要到四川去不料到處有兵攔  
堵纔連忙乘雨逃走我等被官兵拿住等語均  
係老賊一併正法嗣沈洪等亦自羊板尾跟至

沙包子一帶色爾滾蒲尙佐等接續亦抵梨子坪旋即會合而進查該逆已向北竄其富翰富

僧德

臣

仍即調其回營二十九日探得該逆又

由大小禾田走板蓬子翻鳳凰嶺烟墩嶺一路

三十日向木瓜園重陽灣前竄官兵飛馳追及其尾賊匪不敢抗拒惟捨命奔逃我兵追至木瓜園該逆等鑽林越箐四散分逃各路兵勇入

林搜剿共殺賊三四十名賊衆遂不走重陽灣  
繞竄黑水池大池溝密林馬步兵勇翻過兩重  
大山盡力窮追沿途又殺賊二十餘名生擒三  
十六名至竹谿之滾子坪賊衆於巖坎上恃險  
擲石抵禦色爾滾達勒精阿武隆阿蒲尙佐等  
將兵勇分爲中左右三路旁抄直衝並用礮位  
轟擊傷斃數人賊站立不住兵勇乘勢搶上又

殺賊五六十名生擒二十八名賊遂紛紛敗走  
大恩堂時已昏黑訊據獲賊李明安等供稱蒲  
添寶自己只有四五百人一路合上藍白黃各  
號如今共有一千四五百人都沒有馬騾不敢  
出山今被官兵各處截殺聽他們大家商量說  
要到陝西平利紫陽去若北面有兵就到歸州  
東湖一帶去他們說總向老山裏走馬兵是難

進來的等語訊出戰手李明安陳上賓等五十  
九名當卽正法其餘新擄難民均予省釋探得  
該逆由大恩堂關坪向東南雲霧溪有奔竹房  
之勢又探有一股賊匪先由茅古坪竄向大恩  
堂雲霧溪是否與之合夥尙未得有確實惟該  
逆疊次被兵截剿總未竄出老山臣仍飭沈洪  
等帶步兵尾追令色爾滾蒲尙佐等帶馬步隊



傍山探蹤抄載

臣

同蹇冲阿長齡温春馬瑜等

帶兵取道張公橋長春壩由右手包住房縣之

路本月初四日又據孫清元德昌稟報七月初

一日探得賴先鋒等一股賊匪在廟坪攻圍三

保天星各寨當卽商同副都統銜托爾托保侍

衛特克昇額營總武成額和隆武參將承祿等

帶馬步兵由四方寨一路迎剿孫清元帶兵

由五虎垓追擊派副將朱士泰等由橫擔山直趨三保寨衝壓初三日巳刻朱士泰等趕抵該寨直前剿殺立斃賊三十餘名餘匪潰逃孫清元帶兵至天星寨殺賊二十餘名圍寨之賊扒上後山半坳有散逃廟坪河下者又被德昌之兵殲擒十餘名各路齊上後山追剿由扁擔寨直至偏巖子又殺賊七十餘名逃出男婦難民

六十八名口餘匪鑽入老林之爛泥湖牛角井  
初三日帶兵由柳樹墻牛角井大禾田追至大  
寧之後坪沿途復獲難民十餘名共計殺賊一  
百六十餘名生擒活犯五十九名難民八十四  
名搶獲刀矛旗幟馬騾無數訊據獲犯唐宗起  
供稱爲首係賴先鋒還有三個頭人是姓熊姓  
沈姓王我原是線字號總兵六月裏纔到營裏

他們共有七八百人由九湖坪紅茶園走到這廟坪地方想破那寨子擄些糧食牛馬不料官兵殺來被拿等語當將該犯同其餘戰手五十八名訊明分別正法難民等給與銀米釋歸再頃據探報孫清元德昌現在帶兵在竹山之平頭河一帶是該鎮已扼據東北迎住賊頭卽平利邊界有穆克登布在彼堵截極爲嚴緊該逆

斷不能北竄况有色爾滾蒲尙佐等尾躡緊追

臣卽由江坪一帶旁抄該逆夥聚四五股零匪

亦不過一千四五百人雖是竄走老林臣一路

兵馬儘敷剿辦其餘數百或數十名等股零匪

亦當趕緊搜剿臣與長齡再四商酌長齡仍帶

原兵前赴二竹一帶督同孫清元德昌趕剿零

匪臣俟將蒲逆賊股辦完後擬赴歸東一帶督

同吉林泰李天林趕緊搜捕似此東北兩面督  
率分投趕辦於事較爲迅速惟查楚省各路均  
派有東三省馬隊並無大員管帶未免呼應不  
靈臣與長齡復商令副都統銜富翰前赴孫清  
元一路管帶令副都統銜都當阿前赴德昌一

路令副都統銜托爾托保卽帶原管馬隊前主

李天林一路協剿其吉林泰一路容俟臣兵行

就近再爲酌撥得力大員帶領又查現在各股  
賊匪中有馬騾者甚少無不躲避官兵鑽林越  
箐然總不離邊界老山之中達勒精阿武隆阿  
等本係大寧邊界一路防堵之兵未便遠離

臣

現已撤出令其仍回徐家壩一帶堵剿此次打  
仗帶傷並陣亡官兵十餘名另行咨部辦理

同日吳熊光奏言據探報滿添寶股匪竄至大

寧巫山一帶經官兵追躡緊急又繞道折回二  
竹邊界栗子坪徐家壩等處叅贊黃德榜泰已統  
兵至川兜截現又將入楚追剿至楚省境內零  
股據總兵李天林稟報該鎮在東湖屬之黃泥  
坡探知有賊一股向黃家場一帶奔竄經該處  
寨勇在嶺崗堵截該匪猶欲直前衝撲相持不  
散該鎮當率副將孫應奉等各帶兵勇分左右



兩路馳往截擊該匪見有官兵趕到卽慌張滾  
崖四竄經兵勇鎗擊矛刺斃賊數名乘勢追至  
容河口該匪跌傷及殺斃者數十名生擒二十  
三名散出被裹難民八九十名訊據獲賊供稱  
此股係黃號白號餘匪係趙姓徐姓總兵爲首  
共有三四百人所擒真正賊匪逐一正法其被  
裹未久者十六名口當卽遣釋其總兵吉林泰

一路官兵前由東湖保康追剿戴崔賊股因賊  
衆先已奔竄房境該鎮追趕不及

臣

思房縣距

歸巴遙遠吉林泰帶兵西來則李天林一路兵  
力更單是以一面另派兵勇往剿一面飭令該

鎮回至東湖一帶會同李天林將宜屬各零星  
協力剿辦以冀次第掃除並將改派緣由函致  
德楞泰查照茲據吉林泰稟稱該鎮回至興山

之游家河接奉德楞泰批飭以巴東平陽壩地  
方有零匪一股令其就近往剿該鎮卽率同叅  
將楊安等各帶兵勇乘雨進剿至水田壩遇賊  
在民房屯聚兵勇直前撲剿斃賊十餘名賊衆  
逃上山巔官兵亦向上攻擊會值天雨未能得  
手卽在該處紮營匪衆翻山四逸詎該匪折返  
後於夜間復潛來營叅將楊安等率同兵勇

抵剿斃賊數十名賊衆併力衝突叅將楊安身  
受矛傷二處都司陳信受矛傷三處臣詢據來

差稱該叅將等所受各傷尙不甚重兵勇有無  
傷亡尙未據查明具報查該鎮一路離德楞秦  
行營較近一切情形想德楞秦自必查明陳奏  
臣伏查此時零股賊匪雖人數不多悉皆積慣  
矛手奸譎狡悍實爲可恨而德楞秦一旅之師

又爲蒲逆牽掣未能分投剿辦今聞陝省苟文  
明首夥業經額勒登保盡數殲除如額勒登保  
卽帶領勝兵來楚督剿庶兵威壯盛可期迅速  
掃除再查楚省鄉勇除隨時備募本地業民守  
衛城池護送糧餉賊遠卽飭令復業毋庸別籌  
安頓外其餘各屬征防練勇募充已久一旦裁  
撤處置爲難臣細加查察內由本省各屬就地

召募者半係有業可歸事竣後籌撤尚易惟聞  
有外省遠來之勇其來歷向未清楚且情愿入  
伍者甚少將來遣送回籍未免周章臣已札商

經畧額勒登保叅贊德楞泰熟察情形另行安  
辦至於防微杜漸又不獨鄉勇爲然卽如團集  
寨勇協剿零匪在目前固爲搜捕之一法而行  
之日久寨勇習於戰鬪輕視官兵其中首領人

等明白曉義倡率鄉勇者固亦有之亦難保無  
好事把持之輩假公行私且查各處結寨之所  
多係險峻山崖從前長陽縣屬朱履等寨原屬  
舊時民寨一經覃加耀佔據卽攻剿甚爲棘手  
而川省之羅其清等逆亦會踞寨岫守種種流  
弊又不得不預爲顧慮况修築寨堡楚省又與  
川陝不同蓋緣卽且二屬萬山之中土著本少

皆係湖南及下流武黃一帶客民租山開種若  
遂處責令築寨民力不支若官爲建築又經費  
無出臣惟有就旣經築成之寨按寨團勇聯絡  
聲威以資隨時搜剿并派員分投督辦令其將  
各寨民人戶口及所有器械逐一登記以便事  
後清查收繳陽資其力以助此日之軍威實默  
挈其綱以弭將來之民患又用兵日久軍營弊



寶易生尤須參酌情形以冀餉不虛糜而兵歸

實用臣查楚省二竹房保興歸等處山徑綿亘

各路運送糧餉除水運不計外就陸運而言每

米一石需運脚五六兩七八兩不等運米之費

轉多於買米又如各兵需用騾馬臣到楚以來

業購買三次撥給而各兵仍有藉詞馬斃落後

者臣逐加訪察其中固有因往來山徑追剿以

致倒斃者亦有並不留心喂養任其疲瘦者甚  
至不肖兵丁將所領騾馬中途得錢轉賣者雖  
不時嚴查懲治而弊端百出實難周悉臣愚昧

之見以爲留不得力之冗兵多糜餉項而無裨  
於防剿不若挑留健兵酌加分例以資其用度  
而勵其心志現在經畧額勒登保業將苟文明  
首夥殲除似應趁大兵未撤之前一面會合兵

力將成喙賊股痛加纖戮迅速戡定大局一面  
卽於馬步各兵內清查不得力之丁概行撤回  
就其中挑選壯健奮勇者酌留數成預備分捕  
未清餘匪惟山中食物昂貴兵丁等每月所得  
分例實屬不敷或須量爲撥補俾足食用卽以  
裁減疲兵之餉撥給健兵兵數旣少米石亦可  
減運又省出運費似此通盤核計餉項旣可撐

節而一兵亦收一兵之效再得歷久戎行之大  
臣爲之督率調度庶餘孽不致復萌而蕝功可  
期完善再臣接奉

諭旨命臣出示曉諭多方傳布解散賊匪成功更可

迅速臣當卽繕刊告示發貼鄖宜各屬賊匪往

來處所廣爲傳布臣伏查此時賊雖較前實已

衰敗但零星小股或數百人或百餘人一起者

爲數尚多

臣

留心訪詢蓋因從前剿辦大股賊

衆祇將首逆殲除其夥黨卒未剿淨以致逃散

後又復糾合出擾卽如蒲添寶一股前在鮑家

山剿散狂奔人數已屬無多近日屢據探報該

匪由興房寧巫山內旋轉以來其夥衆又及數

千雖探報未足盡憑然觀其分股奔突肆竄無

忌則所報非竟無因此外各股零匪散漫竄匿

者皆分合無定官兵往來搜剿卽幸而趕及賊  
蹤每次擒戮者少而逸出者多兵退之後該匪  
非仍爲一隊卽又附入別隊若再遇天時霧雨  
或地當險仄官兵稍不得手轉致賊勢益張而  
此等匪徒並非真正邪教大率是愍不畏死之  
徒近訊之獲犯並稱有川陝散出鄉勇歸入賊  
夥是以與官兵接仗時益明趨避賊供固難深

信第以目前賊情而論山中包穀成熟賊匪到處可以覓食若稍涉大意致散竄之匪日久復會成大股於剿捕更形棘手臣忝任封圻不敢於

聖主之前稍有欺飾均奏入

上命軍機大臣傳諭額勒登保德楞泰曰此次蒲逆一股經德楞泰督率賽冲阿長齡溫春等並飭令

鎮將各路截擊沿途雖有斬獲爲數無多該匪等  
總在老山沿邊一帶奔竄但合計亦不過一千四  
五百人又無馬騾奔逃不能迅速現在官兵馬隊  
甚多以之追躡步行散匪豈有不能趕上之理德  
楞泰在楚剿辦爲時已久現當秋高氣爽若不趁  
賊匪窮蹙徒步之時趕緊剿淨轉瞬秋成包穀在  
地賊匪又得隨處掠食搶奪民間騾馬資其飽颺



甚或延至冬令又以冰雪互寒路徑溽滑爲詞何  
日始能蒞事耶本日又據吳熊光奏到探報各路  
剿賊情形其大概與德楞泰所奏相同惟閔摺內  
所敘情節楚省零股賊匪頗形散漫德楞泰一旅  
之師未能分投剿辦其意以賊股稍多兵力不無  
分而見單欲請令額勒登保帶兵來楚協剿所見  
尙是此事朕早已籌及卽次降旨令額勒登保於

八月二十日左右帶兵由平利紫陽一帶赴楚此時諒已起程不日即可到彼若尙未動身額勒登保接奉此旨務當迅速馳往不可稍有稽延伊身任經畧自應統籌全局現在陝境南山餘匪祇剩三百餘人豈有經畧親統大兵日久駐劄辦此一零星匪之理况陝省現有楊遇春楊芳及總督將軍等在彼搜捕無難迅速殄除額勒登保當飭知

楊遇春等所有南山餘孽卽責成伊等上緊剿淨  
若因經畧已離陝境稍爲鬆勁致賊數復增惟楊  
遇春等是問經畧卽行叅奏至陝省善後事宜如  
額勒登保現已辦有頭緒卽可交惠齡接手遵辦  
若尙未辦定額勒登保到楚後仍可與惠齡等札  
商籌酌又何庸親身在陝耶其平利紫陽一帶或  
仍留穆克登布駐劄防堵亦無不可現在蒲添寶

一股竟責成德楞泰一手專辦其餘二竹歸巴等處零星股匪責成額勒登保督率搜剿總之辦一賊首卽須將股內夥匪悉數殲除方無後患向來帶兵大員往往將首逆殲擒未將夥黨剿淨以致逃散後又復糾合出擾七年以來皆坐此弊卽如近日蒲添寶一股在鮑家山剿敗後人數已屬無多迨由興房寧巫各處山內輾轉奔逃又與黃藍

白三號未經剿淨餘匪合夥賊數頓增此其明驗  
額勒登保德楞泰既各專責成務當鼓勵將弁追  
剿一股卽將此股零匪殲盡無餘尤當緊躡窮迫  
不予賊匪片刻之暇自不能別滋裏脅殺一賊卽  
少一賊庶可剋期蕙事以川楚陝現在情形而論  
川陝零匪口漸減少指日自就肅清而賊股聚於  
楚境經畧叅贊兩路大兵分投督剿大局總在楚

省成功額勒登保德楞泰務須同心和衷不可不  
倍加奮勉至此次被賊賊害之哨營糧員候補吏  
目江淑著咨部賜卹

上又命軍機大臣傳諭吳熊光曰陝省賊匪自苟文  
明殲斃之後所剩祇係零星匪易於搜捕而楚省賊  
股尚多較之陝省爲重前已節次降旨令額勒登  
保於八月二十左右親帶大兵前往楚省與德楞

泰迅速會剿今吳熊光所奏正與朕意相合此時  
額勒登保接奉前旨自己迅卽起程想不日卽可  
到楚現又降旨飭催並令德楞泰專辦蒲逆一股  
其餘零股賊匪悉令額勒登保督剿楚省得此兩  
路勁兵聲威壯盛此等烏合之匪不難悉數殲除  
但額勒登保未到之前吳熊光仍當督率各路鎮  
將奮勉剿辦不可稍有鬆勁至據奏從前剿辦大

股賊衆祇將首逆殲除其夥黨率未剿淨以致逃散後又復糾合出擾所見甚是軍營實有此弊卽如此時蒲添寶一股辦理未完未必不由於此亦已有旨嚴飭經畧叅贊矣又據奏稱寨勇流弊不得不預爲顧慮所見皆是各州縣建築堡寨幫同官兵追捕竄匪盤獲逸犯在目前甚資其力但事竣之後該寨勇一時未能散去或有不妥本分之



徒把持滋事且有寨堡可據尤易藏奸此事朕早  
爲慮及今吳熊光摺內所敘各情可謂思深慮遠  
刻下大功告竣各處堡寨亦毋庸再行添建轉滋  
流弊吳熊光祇須就現有堡寨聯絡聲威仍隨時  
設法稽查預防流弊此爲最要至所稱與其留不  
得力之冗兵多糜餉項不若挑選壯健奮勇者酌  
留數成預備分捕餘匪等語自應如此辦理惟所

稱以撤回疲兵餉一項撥給健兵一節尙未妥協兵  
丁等因山中食物昂貴以致所得分例不能敷用  
自係實在情形但兵丁果能搜捕出力隨時奮勉  
自可加以賞賚若以裁減疲兵之餉併行撥給是  
於定例之外復又加增將來何以減歸原數總之  
此時先應將大股賊匪辦竣俟搜捕零星匪時再行  
妥爲籌辦至現在德楞泰追剿蒲逆一股會否得

手並各路鎮將剿捕情形仍著吳熊光隨時據實具奏